



鳳陽新書

鳳書卷之二 列傳

鳳陽知縣

袁文新

友人

柯仲

教諭

吳道行

訓導

李日就

邑人

戴良材

門人

馮士俊

高起鳳

劉芳遠

張光斗

陳耀祖

錄次

國勲列傳第一

長興侯耿右丞炳文傳

二子璿

璿

上之洪武二十三年春，皇上追念爾諸功臣

相從濟江翼戴興運宣忠効勞亦既有年而賞
賚卹典未遑舉行乃人 賜鈔一萬定與造第
鳳陽已而告成就第 賜鈔一千定黃金四定
白金四十定表裏三十四疋惟爾子爾孫克有
今日悉由乃祖乃父樹德其先爰以生者之爵
爵其死者生者有居死者有廟陰陽表裏厚之
道也於是長興侯耿炳文例得追封三代曾祖
考三五公長興侯曾祖妣謝氏侯夫人祖考四
七公長興侯祖妣鄭氏侯夫人考諱均用榮

大夫同知大都 府事柱國長興侯妣鮑氏
夫人姬氏侯夫人則又載 賜鈔二千定爲其
表儀墓道之費余享有堂神道有碑備物肖像
有翁仲羊馬是年夏侯以劉三吾侈長翰林謀
文其事其言曰炳文誠愚戇語智勇咸不逮諸
將徒以父兵旣倖成功貴至封侯富遠子孫皆
非始願所及也旣不知顯揚所得顯揚之費不
可不時爲之自臣父以臣出而舉兵之年適當
興王之運 行所至如掠風之振稿破竹之迎

刃皆非臣等之功也三吾聞言而善之

耿炳文世以鳳陽太平鄉人奮身農畝當元至正

壬辰所在汾亂無所逃命同父均用伏謁一上

於鳳陽縣太平鄉十四都營山岫龐家保祖

家南巨桑之下命御前從軍守禦濠州授均用

管千戶甲午四月領軍隨上取滁州六月取

城口張營寨七月取紅山嘉山繆把總營寨再

取滁州守禦乙未閏正月隨上領軍取和州

守禦積功授明盛將軍六月二日領軍隨上

渡江取太平守禦丙申二月隨上克采石

中丞蠻子海牙水寨三月三日取陳也先營

取臺城守禦授總管是月十七日領軍從徐

兵取鎮江守禦其夏四月均用奉命統兵

援常之宜興地隸元丞相達識帖木兒而實

制姑蘇張氏勢所必爭則日相選最各柵木

營盡死以聽稍失尺寸則全軍挫動是日均

鼓勇先登肉薄墮附騰柵而上被斫傷腦猶

戰不已均用既死炳文襲父均用職總管六

取廣德守禦丁酉取長興守禦開設長興翼
帥府授長興翼統軍元帥甲辰改元帥府爲
武衛親軍指揮使就任使秩丙午調從徐總
取湖州其年取蘓州吳元年九月回京授大都
督府僉事 上卽位改元洪武其年授鎮國
將軍兼 太子右率府副使九月隨大軍征
懷慶澤潞平陽駐兵太原二年正月以其軍從
常總兵往大同守禦回太原二月以其軍從
兵取陝西李思齊張思道恃其人馬驍勇

曾殺夾武功東西川而壘思齊其東思齊
西皆更番挑戰不食時侯不得暫解衣甲
相持久之不能支一鼓而關陝遂下就鎮守之
開設大都督府行中書省署事三年開秦相
授左相遇事敢言不阿其年十月授今封長興
爵賜券蓋侯自壬辰至丙申五年悉從父均
軍自其父均沒王事後卽自以其軍攻城畧
得廣德長興而侯所爵基於此矣旣得蘓湖
慶澤潞平陽太原陝西而侯所兼官亦基於是

鳳書 卷二
矣前後從軍十有七年嘗自言中間最苦戰者
長興之役姑蘇方鳩張日事血戰而湖蘇兩郡
相爲唇齒當其有事東吳也諸將會議 上直
人請並擣其穴 上曰策貴萬全攻蘇下策也
援湖州其上策也已而破蕪湖援我得全有
吳者實 上指授方畧功於諸臣何有哉侯
自有其功若此北征之諭長興侯出仰天而嘆
作而曰君命也不可俟然燕王叔父也盛師
出無筭而伐不利及至真定則又嘆曰吾君

也君命不可不戰吾君之子不可敵兩難
無何已且逆憊也潰矣力不支顧謂顧成曰子
其歸吾將守死乃走入城堅壁而守未幾內長
隆代炳文還炳文喜曰此臣志也乃暴足趣歸
上函書曰臣失利而旋萬死難逃天恩不罰
券莫何然臣有一言足以贖死惟陛下聽之
王與上皇父爲同母弟陛下之適叔父其性尚
未離骨肉陛下何至解支體而散肝膽於他人
不如誠信親迎使受顧命授以國政而陛下

恭坐理親臣夾輔勲舊奏翼臣可保燕王之無
敢有他志也不然新進用謀驟而操兵握權敢
當國家之重任諸王皆 太祖之親子臣輩皆
太祖之親臣彼不屠食而空不已也陛下何至
以 太祖之天下爲屠肆而以 太祖之子孫
太祖之舊臣爲犬豕乎書上不報詔炳文仍食
故封未樂二年刑部尚書鄭賜左都御史陳瑛
劾炳文衣服器皿僭飾龍鳳玉帶僭丹鞋 上
曰炳文先朝老臣亦爲此其速改炳文大懼是

劉三吾爲之銘曰天生 聖皇龍興鳳陽
爲 帝鄉有志其人識 主之真相率來臣如
漢豐沛蕭曹景從風虎雲龍耿侯長興父子領
兵從 上討征父況子弁力敢是戡每戰每酬
長興之役父也戰死子也襲職李張在陝兩兵
據險卒也俱剪長興受封悉以是功孰克比隆
秦相兼官與由隴關入其泥丸父死王事朝有
贈謚公爲果毅子旣封侯三代亦侯富貴是優
金匱石室河山帶礪子孫世世子孫子孫世世

鳳書 卷二 六
輔我 皇家億千萬祀

耿璿長興侯長子洪武中為前軍都督僉事尚
懿文太子長女江都郡主建文元年郡主進封
公主璿為駙馬都尉堂前府事璿勇悍有武畧
靖難兵起以王室懿親得預聞兵事炳文北行
璿力勸直搗北平已而炳文戰數敗璿怏怏抱
病時對公主悲泣建文君遜去杜門稱疾竟坐
罪死公主復稱郡主永樂元年春憂卒
秋獻長興侯仲子累官至後軍都督僉事靖

兵起與江陰侯吳高及楊文率遼東兵圍末
不克退保山海關吳高被間奪兵徙廣西楊文
守遼東獻數請攻未平以動北平文不聽靖難
後獻論死

梁國趙武莊公德勝傳從曾孫武靖伯

公名德勝鳳陽人狀貌魁偉膂力過人馬上運
槊健捷如飛甲午聞母在滁陽軍中遂棄妻子
來歸為帳前先鋒從克和陽儀真陞總管先鋒
敗方山營苗軍水寨收丹陽金壇廣德宣城轉

從母

鳳書

卷二

六

鳳書 卷二
領軍先鋒戰毘陵湖州擢左副元帥伏友諒龍
江下銅陵臨山寨出淮南征高郵陞統兵元帥
從破漢水寨走友諒收黃梅廣濟克瑞臨吉撫
四郡旋鑿安慶降南昌祝康據南昌叛殺葉琛
從復南昌授僉江南行樞密院事臨江吉撫三
城叛又復三城協守南昌統精兵爲戰將癸卯
漢圖南昌公出戰射殺漢金指揮漢益兵晝夜
急攻城且壞公先諸將死戰且戰且築城城墮
復完巡城至東門敵發蹶張弩中腰督箭深

僅寸卽拔出拊髀嘆曰命也奈何大丈夫恨不
能從 主上掃清中原耳卒于獻領其衆公沉
鷲簡靜剛明質直馭下嚴肅號令一行旗幟改
色平生未嘗讀書隨機應變智畧如神臨難不
懼奮不顧身曾孫輔立功封武靖侯輔德勝從
曾孫也輔之曾大父端開國功累官都指揮世
指揮使父從征漢庶人陞都指揮練兵禦虜有
功克叅將出居庸守懷來禦虜天順八年陞都
督同知成化元年總兵征兩廣蠻俘斬三萬二

年封武靖伯食祿千二百石三年征建州夷斬
俘千人四年進侯與流侯券十六年輔辭流侯
乞世伯與伯世券減祿二百石二十二年卒贈
容國公謚恭肅子承慶嗣伯卒子弘澤嗣伯卒
子世爵嗣伯

開國陝國公郭宣武子興傳

弟營國公英

郭子興一名興濠之廣德鄉東湖村人壬辰定
遠郭子興所謂滁陽王者據濠城稱元帥興
下時 上元帥甥館專征伐興備宿衛

克滁和渡江拔采石取太平定金陵先登授
軍總管克鎮江置五翼元帥府陞統軍元帥圍
常州晝夜不解衣甲生蟣蝨下宣州江陰宜興
婺州破南昌進克鄱陽彭蠡之戰海艘駢進賈
勇先登征武昌灑血馳戰斬獲多陞鷹揚衛指
揮使拔廬州援安豐陷陣大敗姑蘇兵平襄陽
衡澧還蹂高郵踣淮安剗吳興徃徃褻創力戰
平姑蘇陞僉事督府叅佐大將軍取中原守潼
關潼關三秦門戶李思齊張思道日覬覦興厲

兵積貯搯塞慎固屢敗其兵不敢東向移戍鞏昌爲秦王府武傅兼陝西行府僉事洪武三年封鞏昌侯食祿千五百石與世券賜地佃墾戶代蜀克成都練兵臨清巡北邊召還十六年卒贈陝國公謚宣武子四景儀振宗官僧

子興季弟英癸巳年十八從上起義兵宿帳中從取滁和渡江取采石太平破陳兆先定金陵下鎮江廣德寧國江陰征無錫傷脅破戶賊傷足攻安慶傷臂攻高郵弩傷膝克帶刀舍

機安豐敗吳兵上征友諒戰潘陽湖英累於力疾乘海船鏖戰敗友諒禁江口征武昌戰保安門又傷手足賊陳僉同者驍將善槩馳入中軍上方坐胡床呼曰郭四爲吾殺賊英持鎗躍馬奮臂一呼賊應手斃上解赤戰袍衣之曰唐尉遲敬德不汝過也攻岳州敗潑張援兵擒屠鎮撫克管軍頭目還克廬江襄陽陞千戶克淮安安豐陞驍騎指揮僉事從大將軍北定中原還兵渡河北取彰德廣平至直沽遂破通

州克永平轉戰晉冀關隴陞指揮副使攻破王保保營至察罕惱兒歷陞河南都指揮赴鎮上寧妃英女弟也遣餞之第英素清儉賜白金二十罌麕馬二十疋移鎮北平召進督府僉事發征雲南功多洪武十九年封武定侯食祿二千五百石與世券克靖海將軍鎮遼東討納哈出進征虜右副將軍仍鎮遼東討虜至捕魚兒海手斬蠻子太尉獲金寶珍玩圖書馬四萬獲征迤北斬獲功多賜金遣歸鄉召還京統禁

征朵顏西討川陝叛寇御史裴承祖劾英家奴百五十人輒殺人上不問建文時從文景隆用兵靖難後罷歸第永樂元年卒贈英國公謚武襄子男十二人鎮駙馬都尉尚永嘉公主女二皆爲王妃長孫女仁宗貴妃玠以貴妃弟故得嗣侯宣德中侯署宗人府事奪河間民田廬又奪天津屯田千九十畝罪其奴宥玠十年永嘉公主乞于珍嗣侯英宗念玠本英嫡孫與錦衣衛指揮僉事已而玠子聰與珍

爭嗣侯並勒停亦與聰錦衣指揮僉事天順元年詔恩嗣侯諸大臣言英適長曾孫昌宜嗣昌者珍長子也聰又與昌爭 上許昌嗣五年昌卒子良優給成化四年聰又言良非昌子停良嗣與指揮僉事錦衣已而良屢乞嗣并奪指揮閑住弘治二年良又乞嗣下刑部獄三年復良指揮僉事已而郭宗人共乞擇英諸孫一人嗣侯下廷議皆言良本英適玄孫 上許良嗣正德廿年卒子勛嗣爲團營總兵加保傅嘉靖

年作威福自恣楊一清惡之會御史趙鏜論

奪團營總兵保傅奇祿中府以張孚敬薦九年

復保傅總兵提督 郊廟工十六年勛乞奏進

英 太廟侑享禮官言官及戶部侍郎唐胄皆

言英不當侑享言尤明悉勛請益力英竟得

侑享十八年扈 駕巡承天進封翊國公勛懇

直好指斥人貴溪惡之二十年都給事中高時

劾勛下詔獄移刑部獄諸大臣會鞫論當死盡

中勛死於獄已而貴溪死西市時論死繫臺獄

久之勛子守乾嗣侯

開國許國公王襄簡志傳

王志濠人有謀畧壬辰起鄉兵取濠又明年來歸謁上滁陽從克和州采石姑熟溧陽金陵鎮江圍常州屢騰柵先登身犯矢石陞右副元帥從平常州寧國江陰征高郵擣九江下黃梅降南昌賊友諒彭蠡從征武昌與賊遇最還克廬州援安豐陞親軍指揮使守六安改六安指揮使北伐中原從馮將軍渡河取懷慶澤潞

守平陽移漢中將屯陝西深入察罕腦兒絕却胡還軍平陽累陞都督同知洪武三年封六安侯食祿九百石與世券賜田佃墾戶從大將軍統中軍征朔漠又從傅將軍平雲南繕城隍立屯堡凱還十九年卒贈許國公謚襄簡子四人威域璣琛威二十二年嗣侯明年坐林來堡事謫交南衛指揮使卒無子域嗣改清平衛世官後坐志黨事上以志死不問

開國延安侯唐勝宗傳

唐勝宗廣德鄉毛城村人壬辰年十八挺身
歸以中奕帥職從攻常宣婺池高郵安慶九江
南昌敗友諒禁江口歷龍驤驃騎安豐三衛指
揮平潭澧辰荆諸郡皆有功凡十有九年多著
勲績洪武三年以戍潁川從拔延安功封延安
侯予世券出守雁門擒胡酋還征處衢溫山寇
巡視陝西屯田練兵移鎮遼東勅勝宗絕高麗
曰舊歲今春高麗之使水陸兩至此非臣禮
行侮慢明彰泰瀆此夷自古侮中國構兵禍

與絕交曩漢四伐絕滅其國族魏再伐屠其
晉再伐焚其宮室俘其男女五萬隋再伐城因
將亾受降而免唐四伐斬首五萬獲牛馬八萬
餘夷王臧等戮於市遼五伐焚其宮室斬亂臣
康肇拔十餘城金一伐元五伐夷王竄耽羅捕
殺之耽羅以故境爲元牧馬之野爾出征遼左
使至逃來勿令其還以絕彼奸計未幾高麗使
復至勝宗察其奸奏上諭勝宗曰高麗今春使
至賄賂京官甚重內有一單云上等人若干中

等人若干觀此甚無禮受賂者少有知豈不報哉今爾知誘而能奏由豫不得獨名千古矣遼壤東界鴨綠江北鄰曠寨非多筭不能守慎之勝宗在鎮威讐惠懷兵民輯睦防奸禦侮邊境肅寧二十六年卒

開國吉安侯陸仲亨傳

陸仲亨太平鄉義城村人少負武畧壬辰從征滁和姑熟平建康攻京口下常宣江陰婺越衢常熟高郵皆有功從上親征取南昌

肥拔安豐臧友諒宣力先登加帥職從大將定贛州以驃騎衛指揮使改贛州衛鎮戍節制南安雄韶諸府調兵克梅黃會昌湘鄉悉剋諸山寨自將取英德清遠晉江下廣州遂爲美東衛指揮使江西行省平章政事移鎮襄陽洪武三年封吉安侯食祿千五百石與世券明年出守雁門十三年胡惟庸事註誤惟庸誅法官請併罪仲亨上曰朕初起兵時仲亨年十七喪父母兄弟避亂持一升麥藏艸間朕見之呼來

不學
不學
不學

從朕長育成就累功封侯此吾初起時股肱
腹吾不忍罪其勿問十四年鎮成都烏蠻再
仲亨佐傳將軍討之有功二十三年坐法論死
子賢尚五皇女汝寧公主授駙馬都尉或曰
亨與唐勝宗先坐擅調發無功論罪禁繫久之
得赦後坐黨死 上曰朕初先知仲亨反每見
其居貴位無雍和之色時默默有憂容異態令
竟為家奴所發時同坐者侯十四人顧時胡玘
美勝宗仲亨陳德費聚華中王志原楊景

祖梅思祖陸聚黃彬金朝興

開國江夏侯周德興傳

周德興太平鄉孟家莊人甲午來歸從定滁
渡江克采石太平攻溧水破水寨遂收建業
口毘陵宣城江陰池陽有功歷陞左翼大元帥
從取金華安慶復過江取高郵授安豐征合肥
歷陞衛指揮從討贛州安福永新有功尋提
拔安吉西安再陞湖廣行省參政左丞從征
東西洪武三年封江夏侯食祿千五百石與

奏爲征西左副將軍入瞿塘討明昇蜀平移江
南民十四萬田鳳陽 上曰南安侯俞通源開
田弗勤役擬三月考筭日工一夫闢止四分不
及半畝遣卿督責尋理軍務福建築海上諸城
防倭召還五溪蠻作亂德興請行時德興老
上未許德興請益力 上壯而遣之賜手書至
五溪蠻悉散走四川水盡源通塔平散毛諸洞
作亂德興充征南將軍討平之師還賜田莊爲
子孫食祿德興請決荊州岳山壩通水利得

歲增官租四千三百石俄往河南召集故
將校未幾思州五開諸蠻亂充征虜將軍討之
俘斬四萬二十五年秋坐法論死収其公田

開國濟寧顧襄靖侯時傳

顧時濠太平鄉塗山村人甲午來歸從攻得
和渡江克姑熟下溧陽平宣州廣陵功以百夫
長陞元帥取安慶南昌廬泰州海 陞同知天
策衛事守禦臨濠從伐蘇湖先登征中原轉戰
關中皆有功洪武三年封濟寧侯食祿千五百

石與世券爲左副將軍圍成都平蜀又從李將軍北征分道入沙漠迷失道糧盡遇虜軍疲乏不能戰時獨引麾下數百人躍馬大呼衝擊虜敗走遂掠其輜重糧馬還軍復大振總諸衛軍鎮北平築堡障練士伍繕甲兵廣牧畜逾年召還尋復出鎮北平十二年卒贈滕國公謚襄靖子敬金吾前衛鎮撫十三年嗣侯爲左副將軍討平龍泉山寇屢從征有功次英華芳先是上特釋時以故子得嗣侯後竟除

開國臨江侯陳德傳

陳德太平鄉孟家莊人世農家德有勇力善騎射壬辰來歸從克淦和克萬夫長取姑熟定建康下京口爲都先鋒得寧國衢婺陞大元帥從攻張陳陞指揮使天策衛平張士誠爲僉事督府從平中原山東河濟洛燕晉戰功多洪武三年封臨江侯與世券後從傅將軍克成都從馮將軍征沙漠遇虜別力篤山力戰擒元岐王克甘肅亦集乃路爲總兵節制諸軍仍出塞敗虜

三岔山還屯陝西再出仄刺河三戰三捷練兵
北平禦胡越四年召還十一年卒贈杞國公謚
定襄十三年胡黨誑誤時德已卒得宥明年子
鏞以散騎舍人嗣十六年爲征南將軍討平龍
泉山寇廣東徃賊江西順天王召還後屢從征
皆有功十九年從宋國公出塞至金山與大將
軍異道相失遇虜歿

開國榮陽侯鄭遇春傳

鄭遇春濠人與兄遇霖來附甲午

關三汭河大柳樹諸寨爲先鋒克和陽渡江
采石太平授總管攻蕪湖遇霖戰死遇春領軍
兵從征取溧水破方山營定金陵解圍牛塘取
宣州陞左翼元帥從克揚州婺州再擊敗友諒
兵下黃梅南昌大戰禁江口殲友諒平武昌下
淮安取安豐穎六安陞六安衛指揮僉事留守
征中原下汴洛陞朔州衛指揮副使進都督僉
事洪武十三年封榮陽侯食祿九百石與世券
坐累奪爵逾年復侯從平雲南經畧城池屯堡

凱還督金吾諸衛造舟海運二十三年卒

開國平涼侯費聚傳

費聚漢人壬辰謁上壯其狀貌留幕下從其
定遠取贖牌得壯士三千人又降豁鼻山寨得
八百人取靈璧儀真溧水定金陵下廣德長興
爲副元帥副炳文守長興從上戰鄱陽克武
昌還攻廬州援安豐爲指揮同知克高郵淮安
還攻蘄館平張吳陞指揮使討方國珍下溫台
慶元由海道進取福州擒陳友定從征中興

山西守禦關陝改西安衛指揮使召爲督府

事未幾出鎮平涼練兵洪武三年封平涼侯食
祿千五百石與世券從傅將軍征雲南克普定
置貴州都指揮司聚署司事討平雲南叛夷爲
總兵征廣南俘斬萬計還鎮雲南召還鄉賜老
二十六年卒子超征方國珍戰歿次子璿以人
材起家十八年試江西左叅政孫宏初克叅侍
舍人衛鎮撫從征雲南功陞世指揮使二十年
坐奏對不實戍金齒又明年召還侍養聚坐胡

黨 上曰聚曩征姑蘇朕嘗詈責遂有反謀後竟得釋

征西景川侯曹震傳

曹震濠人立功開國時洪武十二年以征西功封景川侯食祿二千石世指揮使十三年與營陽末城二侯屯田北平從傅將軍征雲南取臨安諸路十八年請討施南朶甘 上曰以利而動非兵之善慎宜鎮靜遣置四川傅道者還未及行又命器征士四川代藍玉還京上

事報可二十四年往四川鑿石通河爲濬九十三爲橋五十四永寧至大理建昌至西皆爲鑿舖而議任勞雨雪不避坐藍黨論死

征西永平侯謝成傳

謝成濠之廣德鄉東湖村人從克滁和渡江授永石太平金陵功授總管南徐功陞管軍千戶鏖戰彭蠡平武昌淮東轉攻湖州克姑蘇陞指揮僉事從征原平元都取趙燕魏諸郡遂取山西破陝西平涼莊浪陞指揮使爲晉王府相

朵耳其降萬戶乞失迦討平洮番十八族洪武
十二年封永平侯食祿二千石世指揮使巡北
邊訓練士卒召還二十七年坐累卒田宅並賜
汪興

征西鳳翔侯張龍傳

張龍濠之太平鄉焦山村人從渡江立功陞都
督兼鋒改花鎗一戶吳元年陞威武衛指揮會
事領偏師立功陞都督征西番斬獲招附功高
二十二年討鳳翔侯食祿二千五百石

太子麟尚輔清金主為駟馬都尉龍卒麟歸
父還京卒孫傑侍母公主京師末樂中卒因失
侯傑子綱宣德十年援詔恩乞嗣侯吏部言傑
侯不嗣者四十年不許

海運航海侯張赫傳

張赫龍從子也歸附授千戶從克定泗滁和州
拔采石太平陞總管收集慶鎮江常州進常春
翼元帥守常州大戰鄱陽湖禁江口征武昌擊
陳理下湖州平吳討方國珍克慶元溫台降國

珍陞福州衛都指揮副使捕倭功陞同知署都
司事坐捕倭無功奪俸統哨出海入牛山洋遇
倭追至琉球大洋擒倭首調興化衛還俸召
督府僉事時遼東艱食命赫督海運庚申辛
歲一行捕東株山寇仍督遼運癸亥甲子乙
丁卯歲一行二十年封航海侯食祿二千石
世券復三督海運二十三年卒贈恩國公
簡子榮累功至指揮使未嗣侯孫鑑指揮
福建都指揮使巡海捕倭擒賊揚總從

征廣西留鎮交趾曾孫寧

營 孝陵崇山侯李新傳

李新清洛鄉遺碑店人癸巳來歸從克滁和渡
江拔采石取姑熟鎮江江陰婺諸暨彭蠡大戰
平武昌取江陵累功陞正千戶下湖州圍平江
平張吳陞指揮僉事守茶陵爲督府僉事營
孝陵有功洪武十五年封崇山侯食祿千五百
石二十八年坐事死

翼城侯威武孫巖傳

孫巖鳳陽人開國功爲流百戶改護衛十三年從潘王之燕山久之致仕子享嗣官陞正千戶建文元年岩以致仕官從靖難守通州突門力戰追奔至張家灣掠餉舟三百復還守城又敗遼東兵歷陞都指揮建文四年封應城伯食祿千石與世券永樂十六年卒贈翼城侯謚威武亨先以靖難立功薊州永平鄭村壩大同白溝河滄州彰德靈壁入金川門歷陞河南都指揮嗣父伯卒子英嗣伯卒無子弟傑嗣伯正統二年坐不敬勒罷卒子繼先嗣伯卒子鈺嗣伯靖十八年卒

都督趙清傳

趙清字鑑德勝弟也有膂力善用兵洪武中積功官至北平都指揮使陞後軍都督僉事致仕去 平時常懷隱憂不敢言靖難兵起黃齊趙清帥河南兵守彰德靖難兵至城下遣招清清對使人曰殿下至京城但出片紙召清清不敢不至今爲朝廷守封疆不敢棄命

職靖難後召清還清遂乞閑不許

梁國胡顯暨榮陽伯潘毅以下諸將軍孫
興祖李恪高銘劉友仁謝彥儲興周俊梁
德王僊李臣十二傳

胡顯父泉立功開國時官定遼都指揮昭敬皇
妃泉妹也生楚王封武昌護衛顯隨父陞辭
上曰泉老矣顯其嗣官從征鋤鼓諸蠻有功後
從征東川龍海諸蠻得城邑馬畜珍寶獻上
年封梁國公與世券建文中坐逆楚藩革

教國初從征十有五年破荆楚討諸山寇
戰吳越從大將軍比代皆有功再從西征進
追封榮陽伯謚武肅

孫興祖太平鄉孟家莊人以功累官副都督
於王事追封燕山侯子襲武德衛指揮使

李恪國初從征渡江累功至後軍都督僉事
高銘國初仗戈來從洪武初以從征久多者
績命子亮襲特授銘中軍都督僉事致仕

劉友仁洪武初積功為中軍左元帥與陳友

將趙普勝戰死祭功臣廟弟謙累有軍功職
軍左都督封東勝伯謙子遂陝西都指揮
寧平羗將軍後府左都督

謝彥於皇里人元季兵興募集義勇保鄉
初從征累功至前軍都督府僉事

儲興太平鄉人壬辰年由百戶陞指揮使歷
都正留守

周俊太平鄉人累功鳳陽衛指揮僉事

梁德清洛鄉人累功龍江衛指揮使

王傑永豐鄉人累功太原護衛指揮同知

李臣太平鄉人累功鳳陽衛指揮僉事

忠武侯郭登傳

郭登武定侯諸孫也七歲讀書過目成誦十歲
能文詞永樂中充勛衛正統中征木麓川勝後
守大同皆有功土木之變大同兵馳甚公懷
激士氣絕虜誘景泰元年虜復入公躡虜七十
里夜二鼓薄營射中二人手刃一人先登大
遂大破虜追奔四十里斬首虜奪馬器械

是役也以八百騎破虜數千功第一封定襄公
與世券公性至孝武而能文屢抗疏以擴天
克人欲親君子遠小人為惓惓又言士大夫
成汚濁之風致有夷狄之禍切中事實天順
奪爵戍甘肅未幾召還總團營卒謚忠武贈
平雲南普定侯陳桓傳

陳桓濠人畧定遠克滁和渡江取采石太平
副先鋒收寧國戰彭蠡定荆湖淮陽下湖
吳討方國珍陞指揮副使平中原陞督府

征雲南桓與胡海郭英率兵五萬由永寧趨
撒克曲靖城身撒得七星關通畢節進克大理
洪武十九年封普定侯食祿二千五百石與
券與靖寧侯征東川龍海俘獲還二十年又與
靖寧侯總制雲南諸軍立營屯田後坐黨論死

丘福傳

丘福鳳陽人以小卒事 成祖藩邸積年勞授
護衛千戶靖難兵初起與朱張二王首建議奪
九門轉戰真定夾河滄州靈璧先登有功累陞

漢書

中軍都督建文四年封洪國公食祿二千五百石與世券當是時修功詔福第一福善高煦數勸上立高煦爲太子上不許福質直無文有勇力善戰輒輕敵深入永樂七年爲征虜大將軍總兵武城侯王聰同安侯火真左右副將兵靖安侯王忠安平侯李遠左右叅將並出塞擊虜上曰本雅失理逆天道羈信使命爾祖征自開平以北卽不見虜時時如對敵日夜望遇虜設奇奮擊否則審察事機便宜進

又密授方畧臨遣福出塞率千餘人先至虜河南遇虜遊兵與戰敗虜遂乘勝渡河又獲虜間我者尚書一人福顧飲虜尚書酒問本雅失理今安在虜尚書言本雅失理聞兵來北遁去此來遠可三十里福大喜曰當疾馳擒此虜時諸軍未集皆曰此虜誘我不可信俟諸軍畢集遣精騎四偵徐議否且墮虜計福不從又令虜尚書爲鄉導率衆直薄虜營與戰相持二日每戰虜輒佯敗引我兵深入福意銳欲乘虜遠力

言虜示弱給我退則乘我進則伏我惟結營自固晝揚旗伐鼓出奇兵與挑戰夜多燃炬鳴砲以張軍聲勞困虜使虜莫測不二日我軍畢至併力奮擊必大捷否亦可全師而還將軍奈何不慮此聰亦力阻福皆不從欲遣火真使虜詐求和解虜謀率精騎劫虜猶豫未決福勵聲曰違命者斬卽上馬先馳麾士卒控馬者皆泣下諸將見元帥去不得已從行不數里虜伏四起奄至圍我遠聰率五百騎突虜陣斬虜數百人聰戰死遠馬蹶與福真忠皆被執沒虜中 成祖聞敗大怒諭 東官明春朕且親征雪恥又遣使諭順寧王馬哈木丘福敗績或本雅失理得福軍旗幟衣甲詐劫攻爾慎防止虜以故福後不得嗣

名宦列傳第二

梁 昌義之 韋叡

昌義之歷陽烏江人梁天監初封永豐侯以北
徐州刺史鎮鍾離魏中山王元英率眾數十萬
圍鍾離義之帥城中眾三千人隨方抗禦魏軍
死者與城半會梁將韋叡急救援大破魏軍義
之率輕兵追至洛口而還以功進軍師將軍再
遷都督南兖州刺史左衛將軍十五年復授北
徐州刺史不知書所識不過十字性寬厚為將

得人死力居藩吏人安之改封管道縣侯卒謚
烈

韋叡字懷文京兆杜陵人梁天監初以功封永
昌縣子遷豫州刺史領歷陽太守魏攻鍾離叡
自合肥徑陰陵大澤遇澗谷輒飛橋以濟師人
畏魏軍盛多勸緩行叡曰今鍾離鑿穴而處負
戶而汲車馳卒奔猶恐其後而况緩乎旬日至
邵陽洲截洲爲城北驍而營立元吳大驚曰是
何神也遂斬破魏軍淮水爲之赤其餘釋甲歸

元吳宗與叡
不攻一橋

首顙乞爲囚奴猶數十萬梁使中書郎周捨
勞軍叡積所獲於軍門捨觀止曰君此獲與熊
耳山等以功進爵爲侯叡志在急救獲淮水之
赤非其情也故爲當時名將至如救援克敵城
中賴以完鍾離人于今有生孫受誰之賜哉是
時曹景宗亦以征北將軍援師至募軍士言文
達洪騏麟齋勅潛行水底得達東城馮道根爲
南梁太守亦爲叡前驅建計據邵陽洲築壘皆
有奏功振旅凱入焉獻捷

唐

張萬福

張

鑑

崔

中

侯

固

張萬福魏州元城人以射騎起家濠州留宿衛

李正己反屯賊埆橋江淮漕船積千餘不敢踰

渦口德宗乃以萬福為濠州刺史召謂曰先帝

改爾名正者所以褒也朕謂江淮草木亦知爾

名若從所改恐賊不曉是卿也復賜舊名萬福

因馳至渦口駐馬于岸悉發漕船相衝以進賊

兵倚岍熟視不敢動改泗州刺史召拜左金吾

將軍圖形凌煙閣陽城等詣延英論裴延齡

伏閣不去帝震怒左右不測萬福大言曰國有

直臣天下無慮矣吾年八十與見盛事徧揖城

等勞之天下益重其名以工部尚書致仕卒年

九十始終食祿七十年未嘗一日言病凡蒞九

州皆有惠愛

張鑑字季權一字工度河南人郭子儀表為

官大曆初為濠州刺史政條清簡延經術之士

教授生徒比去州升明經者四十人後擢侍御

史兼緣淮鎮守使以最遷壽州刺史大曆有司

鳳書

卷三

三二

鳳何人

拜和州判

史兼行營防禦

使督盜淮南至

果懼從屯上元

初學書州時許

果以平盧行軍

日為將卒三千

每深州陰窺淮

夏門福極濠州

則定果聞即移

武營李代宗召

元日秋一議卿

且將以許果

下以許果

河此諸

論天下牧守課績推鑑理行第一建中二年拜
中書侍郎同平章事盧杞忌鑑剛直以計傾之
出鎮鳳翔軍亂被害大中初詔續書像凌煙閣
舊志以為張謚誤也

崔中元和中刺史以郡名濠請加水為濠

侯固大中年間為濠州刺史奏乞增植桑無
稅有石刻在可紀也

南唐 李延鄒

李延鄒鄒陽人仕南唐為濠州錄事參軍

李延鄒鄒陽人仕南唐為濠州錄事參軍

草降表延鄒援筆責以忠義延鄒謂不能受

之延鄒擲筆曰大丈夫終不負國為叛臣作

表廷謂斬之舉州降唐士貴延鄒之子以官

宋 趙抃 張式 韓丕 王 呂文

趙抃字閱道衢州人舉進士通判泗州濠守

廩賜不如法士卒將為變或以告守恐怖日

夕輒閉門不出轉運使徙公治濠公至從容

平日濠以無事遷殿中侍御史彈劾不避權

號鐵面御史歷知城都參知政事以與王安
 忤罷知杭州徙青州其為政本於孝弟不嚴
 肅民莫敢犯議者謂西京循吏不能過也公
 生所為之事夜必焚香告于天不可告者則
 敢為也謚清獻

張式字景則建安人文詞行義為鄉里所推
 禧間知濠州二州州人縊其妻而以自殺告
 既具詰之取服舉州以為明

知濠州端拱中知濠州不優於吏

能以冲澹自處不務姦競時稱長者太宗嘉
 入為翰林學士

王寔知濠州節浮費糴粟買馬以補不虞尋差
 知安豐軍臣僚上言王寔在濠人甚安之不宜
 輕易詔再任職事修舉

連南夫德安應山人宋高宗時守濠州州舊有
 魯城小東城所謂東魯西魯二城也濠水經二
 城間入淮南夫始東決濠水由臨淮城西達于
 淮而二城合為一矣其後官轉運使金人入河

南南夫表云虞舜之十二州昔皆吾有商王之
六百里當念爾欺秦檜惡之

周絲紹興末守濠淮楚舊有依山水置寨自衛
者淙為立約束結保伍金主亮傾國犯邊民賴
以全活

王阮九江德安人隆興初進士孝宗時知濠州
請復曹瑋方田脩种世衡射法日講守邊與邊
民親訪壯境事宜終阮在濠金不敢南侵

呂文德淳祐四年為淮西招撫使兼知濠

濠安豐壽州五年加樞密副都承旨

曾任添差節制宿州軍馬八年除侍衛馬軍都

指揮使保康軍承宣使右領衛上將軍樞密副

都承旨兼知濠州淳祐五年二月改元兵于五

河復其城七月元人侵濠州復擊敗之七年又

敗元兵于泗州 此皆前代守者

遇難守死者 國鳳卿 楊照 丁元

遇難守死者國鳳卿紹興中通判濠州四年十
月金人圍城守臣寇宏棄城走鳳卿不屈死之

其後楊照濠州將官金人圍城急照躍上角樓
刺賊執旗者洞腹而死照俄中流矢卒有統領
丁元者遇金人十八里洲勉其徒毋負國一
二百人皆鬪死

國朝

朱儼

趙

楷

王一卿

張

善

朱儼洪武末年任在任力除夙弊爲政有方四
民咸德之儼後章廷訓劉誠猶以勤政得民餘
十有一令泯泯無名

遷靖州人嘉靖甲午年任操履清冽勵政精

嚴出入惟一羸馬或遽謁間一乘驢駟役二
人所服布皂員領而已豪右強宗望風斂跡雖
郡守無所曲撓也三日則一至學宮拔弟子員
之秀者廩餼之朝夕督誨嘗以漏下丙夜詣學
舍省私發今學宮列栢皆公手所封植云更翻
十令乃至王一卿

王一卿字望之浙江雲和人登應天辛酉榜
慶戊辰任公以機敏之才爲愷悌之政催科不
擾加意撫循年饑行恤雖孤村僻壤必躬履之

早命積野幣齒皆掩之濬溝渠以防澇民無
者公俯拊盡至給以牛種禱之墾田初于民庶
無弗信故也于學校尤加振作甫二載遷都鄆
去百姓爲立生祠臨淮李心學記曰峴山之禱
不數雷陽之竹亦不數蓋民心至愚而神苟非
深仁歲澤厭飫而浹洽者孰能使之感而懷懷
而久哉雲和懷彬王公宰鳳陽有異政維時
者舉頽者興困憊者日以蘇復合邑之民戴
若枯特越三載乃以小司寇命去茲士民士

德而悲惋者無忍釋也則旣謀建生祠以
之矣祠在縣治迤南稍陘隘不足妥公神萬曆
三年臨川楊君瓊來貳是邑景仰德政謁公之
祠惟荒頽是懼乃進厥俸暨厥幕與厥耆民士
庶告之曰公之政在茲邑也可以範吾黨而
爾民者也乃今祠若是甚非所尊崇報稱之
于是官捐其俸民輸其財用鳩工而趨經始未
匝歲而公堂巍然公貌赫然視昔有加矣因
感于今之吏上者撫循養愛屈力殫慮暨吾

于祗席厝斯世于春臺其次傳舍其地模稜
 墜姑以塞責最下者蒼鷹乳虎草管其民惟
 是視其政舛異而民心安冀其能同乎後之
 今猶今之視昔公之政在茲邑班班足人
 嗣是者居公之任治公之民法其舊而不
 尚同卽時異勢殊稍加更易猶爲協心同道
 相濟而非相戾也由是與公會食一堂可也
 建其祠以與公後先相望亦可也百世之下
 斯堂者曰某公爲吾民而立某公繼某公而

崇之廟貌載之祀典紀之碑勒顧不我生
 乎光乎

張淵江西信豐人繼王公後治者也以隆慶
 未任真心爲民秋毫無所取歲支公費節省
 百餘羨兌運米四百餘石公皆條上節之百姓
 租不能輸公爲之代輸寧躬躬減俸自薄慈于
 而嚴于在官胥隸畏若臥虎盜賊鼠竄不敢
 犯鳳境忌者竟蜚中劾去去之日吏有以藏
 鏹啓公爲道里資公笑曰吾豈以官休易操

遂作句云不持俸外半文錢惟餘來時二衣
乃復攜之去載道號泣如雨鳳民至今誦之
淵後八年更兩令有張雲翔河南上蔡人以
曆戊寅任皆能節愛撫綏真心爲政去之日
至悲泣遮道不得行至今稱兩張公云

范善繼雲翔治浙之餘杭人以鄉進授洛陽
庚辰遷是尹歲萬曆丁亥凡八年所

天子振肅吏治詔有司繩貪墨褒異循良以
風嚮於是善以治最徵拜南京刑部廣西

事去余觀近世士大夫自一命而上累已

受公奉牧養小民矣顧獨旦夕計克其私

推其贏餘費金幣疾馳四出賄權貴人希右

百姓其何賴焉宜民之疾備其上祈其去之不

速也天下大抵然君至鳳睹鳳彫敝廬舍穿漏

田蕪不治亟爲拊循念一切利孔弊竇禁胥隸

毋以侵民至身為請於上緩其征徭寧以催科

不及格爲司會所裁八年之中三奪其祿焉此

爲難矣他節倉儲裁郵額勸耕農息踰訟諾善

政績纒不舉

劉繼文曰今世仕者方腴民膏脂腹其身家以
啗權貴人君至捐已祿入而易民之賦稅其為
人賢不肖何如哉宜屬之民不能一日忘也雖
然君之所以治風以方古之名卿碩儒兒寬何
易於豈能獨美於前矣自時厥後李存信萬竇
達皆更二令而得一民之得焉

那賢知傳身三

周

莊周

莊子者蒙人也名周周嘗為蒙園漆吏
上齊宣王同時其學無所不闕然其要本
老子之言故其著書十萬餘言大抵率
淵父盜跖法後以詆訛孔子之徒以明老
之術畏累上之桑子之屬皆空虛無事實然
屬書辭指事類情川剽剝儒者解者世信
不能自解免也其言洗滌自恣以適已故自

公大人不能器之楚威王聞莊周賢使使厚
迎之許以為相莊周笑謂使持千金重利
相尊位也子獨不見郊祭之犧牛乎養食之
歲不以文繡以入太廟當是之時雖欲為
豈可得乎子盍去無汗我我寧遊戲污瀆之
自快無為有國者所羈終身不仕以快吾
莊子釣於濮水之上楚王使大夫往曰願
內累莊子持竿不顧曰吾聞楚有神龜
歲矣巾笥藏之廟堂之上此龜寧無為

貴乎寧生曳尾泥中乎大夫曰寧曳尾塗中
子曰往矣吾將曳尾於塗中

三國 魯 肅

魯肅字子敬東魯城居人家富於財性好施與
時天下亂肅散家財以賑貧結士為務周瑜為
居巢長將數百人故過候肅并求資糧肅家有
兩囷米各三千斛乃指一囷與瑜瑜益知其奇
遂相親結孫權駐吳瑜薦肅才宜佐時權即見
肅與語甚悅之乃合榻對飲密議曰孤承父兄

海志並載東
城人舊志
山下為魯肅故
居其田皆按古
制築山澗渠行
不用以灌溉干
不洩不滲今
魯山澗是也

魯人為方巖節
魯在軍陣手
不離卷又善說

遺業思有桓文之功君既惠顧何以佐之肅曰
 高祖區區欲尊事義帝而不獲者以項羽為害
 也今曹操猶項羽將軍何由得為桓文乎漢不
 可復興曹操不可卒除為將軍計唯有鼎足江
 東以觀天下之釁勦除黃祖進伐劉表竟長江
 所極據而有之然後建號帝王以圖天下此高
 帝之業也諸將勸權迎曹曰操肅曰將軍迎曹操
 欲安所歸權歎息曰卿之別開大計正與孤同以
 肅為贊軍校尉助書方略遂破曹兵

國朝

義惠 伏 高 越

皇 一 皇 一

皇 一 皇 一

顧 莊

後 皇

劉繼祖字大秀濠州人勝國總管學老子

老英偉特達嘗仕為總管嚴于紀律以仁

人憚而愛之見元運既傾遂謝職隱處然素

生產廣阡陌而好行其德於人樂施予于時

人稱長者沒葬于鍾離之南繼祖生而穎異

父風嗣父產業日益盛乃鞠躬履方日益清

累善云先是太祖高皇帝世為江東句容

元初熙祖始渡淮家泗州生壽春王暨

仁祖比、仁祖生 南昌王 盱眙王

王始徙居鍾離之東鄉乃誕育 太祖

生多瑞徵其望人數駭異至元四年乃徙

離之西鄉五年又遷于 太平鄉之孤庄村繼

則其鄰也時自定遠抵 淮涇南北數十里其

林莽虎聚為患村落震 心行旅戒嚴於其

元命將軍應宜兒赤捕 收殆盡其患始

仁祖既定居乃率 諸 工業農事週

其鄉結為社會社中推繼祖為長而繼

仁祖尤深相得也且家為比鄰常命其子時

過從省候効慇懃建元至正四年甲甲夏災疫

流行先 南昌王薨頃之 仁祖 淳皇后

繼崩逝倉卒無葬地 太祖告于其田主劉德

德不許適繼祖子從德家歸以告繼祖繼祖與

妻婁氏輒啓 太祖吾饒于地曷不謂我任

用豈吝耶 太祖如其言往得龍窩一區繼祖

輒以為獻遂厝 淳皇帝 淳皇后而萬年

鳳書 卷二 四二

者言尤能
地結大因
繼祖族弟

者後

本肇於此矣比盱眙王往他境無何亦薨時
太祖年十七笑笑自立繼祖及其子常隨出入
上下多所保護是年九月 太祖龍潛皇覺寺
繼祖時輒省候七年丙戌 太祖游歷江淮等
處凡三載復回寓皇覺寺繼祖省候如初十二
年壬辰定遠郭子興起義兵稱元帥閏三月
太祖始 龍飛起運入濠城軍中癸巳三月
祖以疾卒十一月婁氏亦卒其子孤無依又
四起懷懼乃投見 太祖于軍中 太祖

本肇於此矣比盱眙王往他境無何亦薨時
太祖年十七笑笑自立繼祖及其子常隨出入
上下多所保護是年九月 太祖龍潛皇覺寺
繼祖時輒省候七年丙戌 太祖游歷江淮等
處凡三載復回寓皇覺寺繼祖省候如初十二
年壬辰定遠郭子興起義兵稱元帥閏三月
太祖始 龍飛起運入濠城軍中癸巳三月
祖以疾卒十一月婁氏亦卒其子孤無依又
四起懷懼乃投見 太祖于軍中 太祖
曰吾故人至矣 聊問二親無恙子泣告之故
太祖慘怛動容爰解佩劍賜之朝夕侍御乙未
年郭子興卒 太祖遂統其軍渡大江取集慶
繼祖子與扈蹕嗣是常在左右嘗臨戎繼祖子
請從 太祖麾之退猶未離去 太祖笑曰爾
知吾意乎固不欲以故人從危耳其厚之如此
一日與汪秀同侍帷幄 太祖問曰爾不少矣
何名久未立對曰無所受也 太祖曰吾賜
名曰英英頓首謝因日汪秀曰爾非與劉中

兄弟者乎其父字大秀爾名秀不安盍易為

又曰文英之名顧而思義可也二人又頓首

後 勅命中復及之丙午年二月 太祖遣

復取濠州英以父母未葬請隨大軍回 太祖

許之且微示後將賜葬意英回即修飭寢園

月 太祖發應天回濠州省謁命英摺集

寺左右鄰趙文達等導引省識 太祖

已遂名趙文達等二十家為親鄰命守寢園

昭英及諸父未嘗尋回應天吳元年

英等隨侍官從懿文太子諸王詣臨濠府

祀寢園祀畢 太子賞賚英及二十家鈔幣有

差洪武元年 上即皇帝位追尊 皇考妣為

仁祖淳皇帝 淳皇后二年命臨濠府加修寢

園厚封廣植崇列華表始稱 皇陵時將築周

垣英奏臣等墳墓在側請外徙 上諭墳墓皆

舊鄰里不必徙春秋任祭掃出入無禁也四年

上幸中都謁祭 皇陵英隨侍祭畢 上幸英

家英以茶獻 上諭以居官治家所貴勤慎英

結句此市也

太祖渡江 誠將 德至是 即師取

頓首謝因隨 上尋覽舊居址惟石農器存

上顧謂侍臣曰是 帝業所自因指英曰此劉

英所稔知也輒賜英宴及文綺尋車駕還京七

年六月 欽取英長子鑑及汪倫送國子監讀

書日給糈脯冬夏給衣布等物鑑聰慧過人書

一覽輒誦 上幸學特令引見嘗諭鑑勤課業

朕將試用居無何鑑卒 上聞而悼之是月二

十四日設 皇陵祠祭署勅劉英為署令掌祀

事祭則代 上行獻禮專保 山陵奉香火

孫世守八年四月 上復幸中都英侍駕

諭及往事嗟嘆良久尋車駕還京 上命江

侯吳良督工建 皇堂于 陵所 皇陵大工

成英協同吳良修 陵有功良具奏賞鈔二百

錠綵段二表裏時 御製 皇陵碑記內有讚

劉忽伊兄之慷慨惠此黃壤之句五月奉

命英祖及汪趙二氏祖等配 淳皇帝后四

祭享九月 上御便殿忽憶英父繼祖之德

日追贈繼祖為義惠侯妻婁氏義惠侯夫人

唐鐸鳳陽人庚子從征江州授西安縣丞召還
中書省管勾出知延平府三載召爲殿中侍御
史復出知紹興陞刑部尚書改太常卿內艱賜
半俸服闋除兵部尚書改諫議大夫坐事左遷
監察御史尋陞右副都御史復爲兵刑二部尚
書初立詹事院掌詹事食尚書祿未幾致仕已
而改院爲府復起爲詹事食尚書祿尋致仕再
起爲太子賓客尋陞太子少保二十八年使龍
州論趙宗壽還復出參議總兵楊文軍事

衛撫輯蠻獠公重厚慎密靖廉不妄取

見鳳陽

以德勝

德莫若君

上初起兵時卽侍左右每以故舊遇之僚屬
數連公上念公篤行皆不問時諸卿中詹徽
以才勝公以德勝然不動聲色而政務修理人
咸愛之上嘗曰都御史詹徽刑部掌部事唐
鐸二人性行不同下人事之亦異徽剛斷嫉惡
不容奸僞役吏髮蓬面垢容愁肌瘦不異羈囚
以不得肆其意故若是鐸始友及臣至今三十
四載交不知變色口不出惡聲德有餘而才稍

不足屢被小人誑誤極刑者數矣朕深知其冤
曲宥弗罪奸人忌微剛則謗訕滿朝鐸厚重無
疵又謂懦而無爲一切文移計稟皆舞文弄法
愚鐸賄賂公行鐸無可柰何嗚呼聰明決斷者
以爲非淵德海涵者以爲愚人之心不若有些
邪三十年卒年六十九卹賻最優

莊俊幼英穎不羣七歲遊邑庠十四補弟子員
高等七試秋闈不偶以明經選授南陽司理躬
校簿書風清霜肅手書理刑箴於座右以自

東入公府

嘗曰刑者民之司命此而不慎不惟下以罔
抑且上以負國吾不忍爲也居南陽六載凡所
推鞠號無冤民臺司露章交屬而公堅以疾歸
矣杖履逍遙足跡不入公府歲有饑荒里有婚
喪不能舉者力爲周之鄉人稱爲淳德云

張袞蘊藉宏深檢持方峻一時人士咸有山
之依若高侍御越張主政憲皆出其門尹蒲
政跡藉甚時流賊猖獗以才望調補固安力
孤城保全生聚邑俗婚嫁論財多失時不能

禮公權豐約著爲令俗爲之一變會入 觀公
儀觀偉然奄瑾見而異之語侵吏部謂科道失
選乃陰諭令賄二千金可得公誓死不從還瑾
大怒矯令緹校逮捕會七大夫百姓共欲斂金
以賄公不欲擾民且恥以賄免堅却之遂仰藥
死邑人憐之如失父母七年思之爲立祠
高越性至孝諸生時家事文昌神旦夕默禱有
願減已年祝延親壽之語公舉于鄉人有夢書
此語於彩旌者待諸弟友愛備至署福山致

值劉賊猖獗縣令棄城遁公首倡忠義誓死
禦賊畏之遁去遂以功超拜御史先按楚革
藩之僭越繼按遼振戎伍之積衰至其守泉州
時尤加意學校引江水開八卦河泉之人文自
此始盛所植清源山竹卉抵今茶利之興亦皆
殖之一助云致政時建祠堂置墓田冠婚喪祭
一遵典禮居家與諸耆紳結社賦詩不爲險語
有東村漫興稿

山東按察司僉事劉昂晉初其字號望岑是光

一助

八卦河

湖廣大冶人高祖君以武士隸 高皇帝麾下
積功授長淮衛百戶故世居長淮考蕙以昂貴
贈文林郎山陰知縣母李封太孺人昂其孟子
也昂少小穎特不羣爲諸生時常以奇才見賞
會山陰公卒御史察其貧屬郡縣爲營葬域員
樂樂棘棘哀毀如禮母太孺人故多病諸弟孱
弱昂事母曲殫心力太孺人忘其寢且娶也庚
寅受官山陰知縣每受訟牒率數百紙集庭下
立爲聽斷惟允已察賦書躬籍步數以量以

以善

丁未

令輸丁輸少
租代民無田之
稅法與文新
民耕種代民
租相仿

見業爲準定不必復計其舊民大說巨室
寢之邑瀕海恒受水冬春而涸積久可畚度之
可數千頃又腴甚率業於其傍諸竈丁昂悉按
奏令輸少租代民無田之稅幾相準初竈丁各
以力自占匪公授常恐大姓攘之比屬籍則業
可世而租視常田又差薄故樂輸弗對當是山
陰之聲滿東浙癸巳滿三載遷刑部主事日坐
署閱刑書敬慎庶獄自爲要辭率精明立辨
則嘯歌忠孝發於篇章詩什居歲餘丙申以

囚失旨下 詔獄廷杖其顛沛極矣而其意氣

神識弗少降沮丁酉謫河南許州同知愈益

恭力於其職吏民翕然敬愛之卽旁郡縣民有

相質或累數歲不能決者咸願屬焉而撫察藩

臬不能違故勞勩反倍他有司庚子召爲南京

戶部主事尋遷禮部精膳司員外諸當路貴人

器其才厚自招延數與酬倡然非其好也時特

引疾乞休假銓曹知厥意旨辛丑春遷山東

山東分巡濟南道厭俗吏足恭飭諂陰肆

爲正色當官明示好惡吏望風改革泰安

發其收姦賊於撫察撫察下守巡兩道治或

出牧曷執不可曰柰何庇一人以病一郡竟

落職黜不敘乃寢疾弗起檢其橐蕭甚靡以爲

殮也少負奇崛抗志往昔議論踔厲斤斤斷斷

攻古文辭濡毫立就與論學慨焉以聖賢自期

厭薄舊習嘗曰古之學者求諸內而已矣不求

諸內而求諸外非聖人之學也秦漢以來號稱

大儒卽不免區區研精於制度文字之間曷名

石柯部時常
有意留之以

二百金爲餽
內嘆曰吾能

爲若所私乎却
且慢故有引

修道近世豪傑若陽明王子之徒庶矣顧流猥
漸積或者猶訝其弗掩病其近禪然擇精語詳
吾儕第當服行其說而證諸六經要於一誠則
亦可以弗畔於斯道重有味哉其言之也里居
教授間學士大夫語及才藻罔不成允至謂劉
子之篤於道而急先踐履蓋容未之盡悉也有
光化亭稿一卷又諸弟檢於故笥及從友所得
十數首爲一卷曰篋中集凡二卷年僅三十有
九維文蔚然維政卓然維儒傑然隨用沛然

溫然悠悠蒼天已焉已焉

顧佐自其大父由吳徙實中都占臨淮籍然卽
家郡城卒塋太平鄉北十四都焦山之西公父
官治中公起進士累官戶部尚書太子太保爲
孝宗朝名臣正德中 賜玉帶服麒麟以不阿
奄瑾歸居第仄隘廳事僅旋馬鄉歸厚德云卒
世宗賜祭遣官爲營塋事子伯謙有才名魁解
應天榜伯謙子承芳進士官戶部主事皆有藏
稿存于家

郭德成其兄子興從 太祖征伐屢立戰功封
鞏昌侯女弟郭氏入宮進位寧妃成事 上充
驃騎舍人性嗜酒不擇甜苦好惡得卽飲之終
日太嚼醉則欹枕醒復嗽醪其于爵祿澹然不
以爲意 上一日召授成某都督固辭不拜
上變色曰朕念爾椒房戚屬又兄弟皆列通侯
爾獨未顯故畀之都督乃固辭豈謂爵祿浼爾
耶德成免冠泣謝曰臣性疎放懶慢耽酒喜
自卯至酉非沉醉如泥卽斲睡如尸耳官嘗

務了不關心若不自揣謬託高位必且曠職必
且怠事曠且怠陛下缺鉞之誅將必及我臣欲
此頭飲酒願陛下赦臣臣得優游麴里糟丘間
受享不啻萬戶侯于臣足矣都督之命敢以死
辭 上歎曰卿可謂能自度能擺脫富貴者令
人人如卿世豈有竊位之患立書 勅賜黃封
百畝秫田三百頃曰穀爾一生大醉無煩荷杖
頭之錢盜比鄰之釀成拜受賜請曰臣渴矣願
發黃封一罌飲之 上曰可成于 上前鯨吸

立罄匍匐免冠謝頂肉兀然秃也 上笑曰風
漢當節飲醉脫兩莖頭髮直如葫蘆狀成仰首
曰頭髮原是剩物臣懶事梳掠盡髡之然後快
寧能需醉脫耶 上默然比醒懼觸忌諱遂盡
剃髮披緇入見口誦佛不輟 上笑謂寧妃曰
爾兄果爲僧矣向意其醉言不謂弄假成真復
問曰爾爲僧願成佛耶做菩薩耶成對曰佛與
菩薩臣一切不願願生生世世作酒泉郡小民
快恬飲酒于臣畢矣久之黨禍起成竟以酒自

全禱不及焉

人臣之誼以致身爲大顧人居平鮮不慷慨報
國儼然以忠自許及夫邊圉多事戎馬倥匆則
股慄色喪晝夜圖維以全其身一旦得解組歸
來曰吾輕爵祿吾志在長林豐草旣以遠害全
軀而視國家安危漠不相關又坐享見幾之哲
高尚之風抑何巧也朝廷安用若而臣爲中都
承菴戴公紹胤自萬戶侯擢三江總戎致其政
數年矣萬曆丁酉日本關白犯朝鮮使者告急

上赫然震怒命大司命邢公玠總督諸軍往征之邢公折節海以內謀臣勇將公仗策往從一見歡若平生授公旗鼓公畫平倭十策曰搗巢曰火攻曰用間曰信賞曰必罰曰伏兵曰誘降曰一軍令曰募死士創戰艦邢公用其策卒以覆倭而奠朝鮮公以過勞將星告殞邢公涕泣遣官于堂護其靈馳驛還鄉優恤其家檄有司旌表鄉耆軍士爭頌其忠郡縣覆核東征馳驅肅瘁狀奏記大中丞褚公鈇乃檄允建祠公嗣良材少師事盱眙馮應京師弟素負經世之才督學御史柯公提試其文皆舉以冠多士後應京鳳觀宇內稱名臣良材登順天丙午鄉薦秀水馮夢禎記云

列女傳第四

二母傳

汪氏老母母所居里名孤莊村 高皇側微從
淳皇自明光集徙居于其里歲荒不能度獨母
識焉備禮遣子相送入於皇師沙門高彬後以
母三子爲宰官者二指揮者一皆世官

趙母母於 高皇帝有舊恩丙午歲以母之子
趙璧隨侍渡江洪武初三召母赴京慰勞備至
遣中官問餽稠疊賜田宅器具官壁世指揮趙

聰布衣駙馬後立祠祭署改授署丞世官母壽
 幾百歲永樂三年乃卒 成祖遣內使諭祭官
 為營墓淮上漂母祠昭昭漢迄今二千載而祠
 不廢則以淮陰侯故乃今二母俱能識 天子
 塵埃中抑何奇也

節孝傳上

杜氏 聶氏 丁氏 吳氏 錢氏 盛氏

黃節婦 戴節婦 朱氏 岳氏 黃氏 耿二姐

杜氏繆堂卿妻也夫卒於元末杜時年二十二
 節撫孤子至於成立次子盟任四川

洪武十年旌 聶氏倪文妻夫蚤卒子幼
 姑至孝 丁氏范通妻夫蚤卒養姑撫孤誓不

再適 吳氏龍瑾妻夫蚤卒育孤矢節 錢氏

陳萬言妻年二十八歲守節孝舅姑撫孤子舅

姑以與夫喪並舉清苦終身年七十五卒 盛

氏吳淳妻夫蚤卒苦節自守 嘉靖乙巳冬十

有二月 詔旌黃節婦宋氏表樹宅里式崇

化先是秋九月鳳陽令錢樞咨于眾疏其節行

以聞于 上曰邑有節婦宋氏良家子也年二

十適生員黃怡為繼室歸二年育一子越三年夫亾年甫二十有三遺孤及晬節婦日抱其孤哭於柩誓不苟生廢食飲幾浹旬毀形骨立竟不死鄉人神之意者其夫陰以托孤不墮其祀故不食亦不死耳媼族諸姑乃致其翁命曰夫汝欲死以殉義也然夫亾矣孤茲一脉保孤以成夫志庸非義乎忽寤其姑既歿唯翁在堂齒髮日暮孤罔攸托乃始唯命家唯遺書數百讀以俟孤織紉自給苦節日厲翁性嚴曲致其

以孝終奉庶姑心愈下久益以懌訓其孤治居業今鄒令玠即遺孤也奉母儀唯謹操節四十年恒如一日 節婦李氏 皇陵衛鎮撫李

玠長女適百戶戴彬為妻彬舊有癆疾氏易簪

珥醫治藥必親嘗及其危篤籲天願以身代病

靖二十六年九月初十日彬故氏年二十五歲

遺孕七月扶柩痛哭三日不食親鄰苦勸方

進糜粥三月始生遺孕戴紹胤厥後征倭死于

王事上有八十舅姑下無三尺童僕家計寥落

不食遺孕

必

守

專工紡績以延歲月至萬曆十九年四月十九日病故已及七十歲自夫歿以至蓋棺始終不二毫無間言今 上詔旌表 生員李冠妻朱

氏十九歲冠卒孝養舅姑撫育遺腹矢志守節貧且益堅 岳氏褚文蔚妻蔚故無子岳時年

十九歲嫁甫一年耳痛夫故姑難自存矢志孝養 黃氏邑學生田華妻適華二載華疾革氏

以舅姑衰白子甫三月且家故貧甚黃誓守惟磨粉績紉以克奉養教子田濟廣補邑學生

與戴節婦同時 耿二姐縣西土壩人臨淮

大良禮聘為妻未好行大良病故其女聞知痛

夫身死當於本日晚在於伊家自縊身死題奉

欽旨建貞烈坊此十一婦一女者皆以節烈奏

旨旌表者也

節孝傳下

孝婦高 孝婦俞 唐孝女

趙孝女 杜二女 孟氏 錢琮妻

連氏 史氏 孫必妻 周方妻

邵舉妻 孫有繼妻 張胤社妻 沈思慶妻 吳氏

朱葵妻 孫有繼妻 沈思慶妻 吳氏 孝婦高留慶泉州太守高公越女也性至孝既

不

無子猶有慈

并歸潘氏子麟姑張病幾不起孝婦封股肉和

湯藥進姑病愈鄉人多孝婦性行夫有所稟也

後數年姑卒夫亦廬墓有鵲兔嘗馴其旁時稱

雙孝云 孝婦俞氏生員岳生璧妻也事姑狄

氏克盡孝道姑病篤告天願以身代割股肉食

姑疾愈 唐孝女唐儒女年十三其母有疾女

割股進母隨愈後歸葉朝宗亦執婦道鄉鄰化

之 趙孝女知縣趙廷劄女割股愈母 杜二

女通判杜炳女割股愈母 孟氏在室時父五

歲病氏割股以愈父及適徐士元士元病復

股弗愈亡歸連縊再次姑防救不死事翁徐時

濟目雙盲歸割股煎湯乃洗明夫故時年方二

十七耳守四十九年乃卒有獎 連氏田民於

妻因姑王氏患病臥牀連氏告天割股煎湯進

姑食即愈隆慶四年獎 史氏係本縣故民張

堂妻姑薛氏病臥牀月久醫藥不效勢在危急

史氏焚香告天割股煎湯進姑病愈潁州兵道

劉扁其孝姑此五婦四女以孝顯者 錢踪

一

一

一

一

一

一

一

李氏夫蚤卒子三歲撫育成立甘貧守節
舉妻周氏夫蚤卒守節誓死不二孫必妻
氏夫早卒貧苦守節紡績自給周方妻件氏
夫早卒甘貧守節撫孤成立七十七歲生員
張胤祉妻魏氏青年守節以疾終朱葵妻陳
氏年二十餘夫亡遺孤僅週歲苦節自勵事孀
姑能養至八十七歲以壽終生員孫有繼妻
何氏年十九歲痛夫捐棄誓死相從翁姑幼室
不及越三日閉戶自縊此八妻以節顯者

吳氏生員沈思肇妻也思肇

遺屬醫罔效夜

焚香割左膊肉煎湯進夫其

子沈律亦於是夜

割左股進父比明並進侍合

思肇病遂愈律同

時有陳汝聯割股愈父疾連

皆孝子也然割股當朝有禁

景母田濟民妻李氏亦邑中

大儒獨守一子四十餘年

古老死而已楊應爵祖母朱

人嚴惟仁母蘇氏懷遠人乃

得揚其母祖母休手善縣誠然母也貞子也渣
守與無守同耳。抑亦完其素操。付之與玉石同
其堅白也乎。嗚呼女之以貞行者多矣。然或以
顯或以遜。或顯而旌。或顯而僅。得其獎。此亦
其後世有顯者。出則母以之。顯不然。臣區縣令
特表側陋難矣哉。近日王其壯張氏母孀守其子
三十歲室未字而亡妻者。可以去也。母誰揚乎。
士之沉而莫起。幽而不彰。類若此。

